


www.BibleForChildren.org


Tigidali Nai Gagalama Nigali Side 3



Tama te bidi Adam agai aga we
nogi lv nogi yali, magi baso meni,
aga te tigidali bidibo we bidigo
wai auwa dalali we mosi dao.




Te Yawe Godigo te tigidali hasa
hani sibi nigali, tiali goli me deligo
te hasamanigo tibo po wabo kolesaga
konea pai tiwai gilama eyu, te aga
aiyaba me elalugobeo.




Tama me sogo te hasamanigo te
we pageba asama, tama te webolo
hanalu wali, “Mu dawē? Te Godigo
dage sibolo te gide elalubo nedu
du tugi olama, tigidali habu
selaliwe?” te po wai.




Tama wego po wei
ponoyu, te po wai,
“da sigo te gide
elalubo nedu du tigidali
tumainogo yali. Tiali goli, te tomode dolalubo
nedu du me deli digi da, te da si go tusiama
habu selai. Godigo te tiwai po
wai, ‘Dage sigo te nedu du
togola tugio, ma dage sigo
nogogo diagio. Tiyu, dage
si isabuo,’ wali,” wego
te po wai.



Tialima, hasamanigo
webolo po weyu, te
tiwai po wai, “Tegobeo.
Menio. Dage si munu me
isigobeo. Dage sigo te nedu du tubaso
da, teda dage sigo te mena dwagi yai
kolesaga me, te mena dwai kolesaga me,
te koneama, tama dage si
te God tiwai pedelaibao.
Godigo te koneama, tama
tibaso agai dage si
habu selali,” wali.



Te hasamanigo te po olama, tama wego
te nedu du sulama, tama te nedu du
gasa wiegi yai au mu sulama, tama
aga du te wiegi yai mu elaluali.
Tialima, wego te tiwai homu yai, 'Te
eno te tiwai dwagi yai koneabo
kolesaga siyu da,
teda te dwagi yai
mu yaibao,' te
homu yalio.



Tama tiyu, wego te nedu du
meba selama, tama tuali. Nosali
agai te nedu du meba bidibolo
mani, tama agai me tualio.



Tama polo mu augwa si
sulama koneai, te augwali si tigi
mesegelisiama, te bolu olo
elaluali. Tama augwali sigo
te ni kaya yabe dabe hobolama,
tama augwa si te ugwa
tiwai ilama, gudali.





Tiali goli, Yawe
Godigo bomonama bidi i wai,
“Nage mena bidibawe?” Tama bidigo po wei
ponoyu, te po wai, “Eno odali, nage te gide bilibo
odoyu, tama ena bolu olo elalubaso, ena nagede
wi eyu, geme duala siyu yali,” te po wai.






Tama Godigo
agabolo hanalu wali,
“Dego nagebolo olama, nage bolu olo
elalubo po waliwe? Te nago eno nagebolo
habu selali nedu du te nago tuai dawwe?”



Tama bidigo po wei ponai, “Te nago enabolo mani we eno abagigo, agai te nedu du enabolo mobaso, tama eno tuai dao.” Tialima, Yawe Godigo webolo te tiwai hanalu wai, “Magi baso nago te sę yaliwe?” Tama wego te po wei ponani, “Hasamanigo ena tibo po ola mobaso, tama eno te nedu du tuali,” te po wai.





Tama tibaso, Yawe Godigo te
bidi te Iden gide sela sanama,
tama aga tagala palama, te
Godigo aga nigali tɔde sɛ
emainogo yai dao.




Godigo te bidi me we me sela sanama,
tama agai te bomai mobo ensel bidi
tiwai, te bage te Iden giba muani.
Tama agai te gegemani yai moni
hwa ge me deli munama,
tama te tigidali
habuba bebegeli
beregeli bilibao.





Te mobo ensel tiwai dabe dali, te
moni hwaꝓ ge dali sigo tonalubao,
tiyu bidi me deli te bidibo ula
mabo ni pageba pedalidali
weyu tebo dao.




Adam aga we dali pilama, tama we haliga yai. Tama
wego ogwa me deli ame nenama, tama agai te po wai,
“Yawego ena tau selama, tama eno ogwa salio.” Tama
tibaso, agai te ogwa nogi Kein poai. Nosali agai Abel
ame nani, te Kein aga ama dao. Tama


Abel te kibu sipsip dali,
meme dali si
tonalubo bidi
pedelai, tama
Kein te gi sę ebo
bidi pedelali.



Tama nosali Keingo te gide nai dabe selama, tama agai
selasa asama, tama te masigigo nigai alta sai daide
munama, siago te nai uduyu, tama
Yawebolo olo mayu, te ofa tama ilali.
Tama Abelgo te gomunai sipsip
wai dabe meba selama, tama
agai augwali elali.



Tama agai te meba dwagi yai ili dabe me selama, tama ofa yali. Yawego dwagi yai homu pemene te Abelbolo elama, te aga ofa dali me tiali, tiali goli agai te Kein dali, aga ofa dali, te agai godolo me ebeo. Tama Keingo wado homu dwai mu elama, tama agai gesabidi hulia sigi pai.



Tama nosali Keingo aga ama Abelbolo te po wai, “Da si gasaba gana dwasianu biligi pinao,” wali. Augwali si te nosa elalubo tqba biligi pali, tama Kein hodaluyu, tama aga ama ela muani.




Nosali Yawego Keinbolo hanalu wai,
“Naga ama Abel mena bidibowe?” Tama
Keingo te po wali, “Eno konebeo. Magi
yaliwe? Nagohomugo ena te eno ama
tonalubo bidi naga bidimainogowe?”




Tama Kein te Yawe bidibo madi tagalama, wi pelama,
tama tō me deli teba bidigi pali, te augwaligo te tō nogi
poali “Subigila Bilibo,” te nogi poali.
Te tō te Iden gi elaluali madi te
giliga asobo badu elaluai.



Te nosali Adam aga we dali ma pia. Tama
wego ogwa ame nobaso, tama te po wai, “Te
Godigo enabolo te gasa wai te Abel bidali
hasegelama mani, te Keingo aga ela muani.”
Tialima, agai te wai nogi Set poai.



Tama ame nenama, tama nosali te Adam agai gasa
ogwa me, wegi me ame neyu bidibadi, aga te
gasa kibu be 800 me bidali. Tama Adam te
kibu be umabo bidi sese hauwa 930 kibu
be bidama, tama aga isai dao.




Te Yawego te tigidali tɔ badu bidalubo we
bidi dabego ebo kolesaga suali, te dwai
dwai mu yali. Augwaligo homu te dwai
sɛ ebode naga konealuali.




Homu dene mu eyu, tama agai te po wali, “Te eno nigali bidi tigidali te eno ela silaibao, te augwali menade bidada pabo te mu silaibao. Te eno tigidali hasa sibi dabe tigidali me, te ba dabe me, te nai dabe me, tigidali silaibao.”



“Magi baso meni, ena digi ena te nai dabe
nigali goli, augwaligo ebo kolesagago
enaba dene ilibo dao, tama wiegi
yai homu pemene ma
egobeo,” te po wai.



Tiali goli, Yawego te bidi Noa dali digi
dwagi yai homu pemene yalio. Te
Noade po da te tiwai dao. Agai ogwa
sela elaluali, Siem, Ham, me Jafet.




Noa da dwagi yai bidi, te sogo bidali we bidi
tomode te Noa deli digi aga bilibo kolesaga te
Godigo gedude dolo mu yali. Aga te God
dali deli homu naga eyu, tama Godigo
abagi mu dao.



God aga Ogwa deli digi mu bidibao.
Tialima Godigo e tɔde bidibo we bidi
godolo mu eyu, tama augwali tau
somainogo eyu, God agai Ogwa
te e tɔba tagala palali.



2




60



Tama tiali da, tɔde we bidi augwa
homu agaba mubaso da, augwali
hagaidali weyu, augwali dwagi
yai bidabo bomo selama, bidada
peyu, bidada pomainogo,
Godigo te sɛ yai.



2



60



Rom 3:23 Magi baso meni. Da tigidali bidi dago dwai
sę yai dao, tama da tigidali te Godigo wiegi yai usu
niba kadu wabo usu menio.

Rom 6:23 Magi baso meni. Te dwai sęgo te aga sę ebo
bidi augwalibolo te pe mabo dao. Te mabo pe te isibo sę
naga dao, augwali te God dali dagalama tama aga dali
bidada peyu bidada pogobeo. Tiali goli te da te ula sabo
dolo meni yai goli, Godigo dabolo te wiegi yai olo mabo
kolesaga eyu, te sesemane sogo bidibo ula mawaibao, te
da te dago Genuai Bidi Krais Jisas dali wadolali we bidi
dabolo agai te ula olo naga mawaibao.

Hibru 9:27 Tama te tigidali we bidi dabe augwali deli deli
te deli sogo naga isaibao, te isabo sogo sa muani, tama
nosali te augwali Godigo augwali po
tų ebo madiba pedalaibao.



Efesus 2:8,9 Tama tiyu, Godigo da olo tau sabo kolesaga naga tego dage tau selama, dage Satango nogode ma sali dao. Tama dagego te Krais hagede te konealubo po duga homu daꝓ olama, tama God agai dage tau siyu ma sali dao. Te dagego bomogo me ebeo. Te menio. Te God agai dage olo tau sai dao. Niwai bidi aga digi bomogo te wiegi yai kolesaga eyu, aga digi nogi ugwaba sidali weyu, tama Godigo da olo tau sai dao.

Rom 10:9,10 Tama nago po hanilama pusuyu Jisas aga te Genuai Bidi da po olama, tama nago naga homude te Godigo aga te gu pagede ma hodolali seꝓe konealubo po daꝓ weyu da, teda Godigo nage ma dobola saibao.



Magi baso meni, te dago homugo te konealubo po daꝯ obaso, tama Godigo da doloba pai we bidi nogi poaibao. Tama dago pedauwalidu te dena konealubo po we bidi gesabide pusubaso, tama te Godigo da ma saibao.

Jon 3:16,17 God aga Ogwa deli digi mu bidibao. Tialima Godigo e tꝯde bidibo we bidi godolo mu eyu, tama augwali tau somainogo eyu, God agai Ogwa te e tꝯba tagala palali. Tama tiali da, tꝯde we bidi augwa homu agaba mubaso da, augwali hagaidali weyu, augwali dwagi yai bidabo bomo selama, bidada peyu, bidada pomainogo, Godigo te seꝯ yai. Godigo aga Ogwa e tꝯba tagala palali te e tꝯde we bidi po tꝯ dodolomainogo me tagala palobeo. Te menio. God aga Ogwa tagala palali da, te da tꝯde we bidi ma dobola sagasomainogo yai.



1 Jon 5:11-13 Tama Godigo aga Ogwade wali po e dao:
God agai da sesemane sogo bidada peyu, bidada pabo
bidibo ula mawai dao, tama te bidabo ula page aga
Ogwa Jisasde elalubo dao. Bidigo Godigo Ogwa dali kẹa
pali bidi, aga dali te bidibo ula elalubo dao. Tama bidigo
Godigo Ogwa dali kẹa pisawani bidi, aga dali te bidibo
ula elalubeo. Te dagego Godigo Ogwago nogide
konealubo po daɣ weyu agaba tiɣlubo we bidi, te dagego
te dwagi yai bidada peyu bidada pabo ula elalubo
konemainogo eyu, eno e po dagebolo asena tolobao.



Tigidali Nai Gagalama Nigali Side 3 – 6

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: M. Maillot; Tammy S.

Dadibi Bible (mps) © 2002, Wycliffe Bible Translators, Inc.
All rights reserved.

<https://live.bible.is/bible/MPSTBL/GEN/1>

©2026 Bible for Children, Inc.

www.M1914.org www.bibleforchildren.org

